

# Nepomuk Gaschi

Ausschnitte aus dem Programm 2008

Uf der Alp do schtot a Kua  
Sie macht z Arschloch uf und zua  
der Klimaforscher schlau und klie  
Luagt der Kua dört hinna dri  
Auto tüan am Klima schada  
au jedi Kua mit iaram Flada  
A Lösig dia isch schnell parat  
Uf jedes Auto khört a Kat  
Bim Auto machsch der Uspuff zua  
Doch probier ---- das bi der Kua

Mir händ in 20 Jahr no kei See  
Vum Rossboda got nid wäg d'Armee  
Kasch dia Maus vum Komitee  
Niamols im Bikini gseh  
Das isch nüt me für d'Anna Ratti  
Bis döt -- schrumpft sie wiana Patatti

Ferie in dr Schwiz - isch kei Hohn  
Si helfen sterba - gega hufa Lohn  
Häsch an Tanta - wo nit will go  
So dass iari Stütz - tetsch übercho  
Früener häsch Sie - müassa zwinga  
Oder um - da Egga bringa  
Hüt seisch nu no – föra mit da Kohla  
Sus gonii - go Dinitas hohla  
Ewigi Ruah - das winsch ich Diar  
Endlich Ruah - das winsch ich Miar

As lalla auf dr Zunga und a trüaba Blick  
Zickig und Media iim Gnigg  
So mängi blödi Werbig het si denn  
Über sich müassa loh go  
Uf em Tennisplatz isch si allaini cho  
Und d'Nasa da wissa Linia no  
Denn het si Gschicht verzelt vum Wäschmaschinali  
Und was es denn spöter isch gsi....  
A Nasa so wiss wia Schnee  
Vergessa was isch gesch.. yeah..  
Und Droga - trägend si so wit  
Well's nüt me z'schnupfe git...  
Für dä Star so wiss wia Schnee  
S'Räcket het Sie an da Nagel ghängt  
Und d'Liebe an a Russ verschänkt  
As Rössli het si au no inna zoga  
Gumpt ächt dä au ohni Droga  
A Nasa so wiss wia Schnee  
Vergessa was isch gesch.. yeah..  
Und Droga - trägend si so wit

Well's nüt me z'schnupfe git...  
Für dä Star so wiss wia Schnee

As isch trurig und kei Scherz  
Ohni Blaua Dunscht ab März  
D'Zigaretta hens üs gnoh  
Ma könn au so in d'Beize go  
In 5 Johr wird's denn so sie  
Muasch in Stadtpark wettisch a Gläsli Wii

Seckle Trippla ufm Fuassballfeld  
Verdiene tüands a Schweinegeld  
Uf em Feld sinds Leischtigsträger  
Am Obig verlürens d'Hosaträger  
Wenns händ a Ständer in da Hosa  
Gönds denn eifach a Teenee go Stossa

Polizeistund isch neu am Zwei  
Den göns nit erscht am Füfi hei  
Muasch früener in da Usgang go  
will früener söttisch heiwärts go  
Das isch ganz schön und au no toll  
Jetzt sinds - zwei Stündli früaner voll

I bi dr Christoph Blocherli  
Im ganza Land bekannt  
Be früener z'flötischt Bundesrötli gsi  
Jetzt henz mi grat verbannt  
Bi z'friede wenn i z'Nacht im Schloss  
Am Tag im Ämtli bin  
Und wenn dr Herrgott sini Stimm  
Miar schänkt So blieb i drinn  
Im Parlament gots artig zua  
I has scho mängisch gseh  
Das d'Lüt wäg dr verfluachta Politik  
Anand tüant schüli weh  
Wia schön chönt's si im Parlament  
Dr Hämmerli im Saal  
Heb dis Ämtli fescht im Griff  
As git bald neui Wahl  
Was isch au los i chum nümme drus  
Es nümmt miar fascht dr Schnuf  
Dia Grüana und dia Sozi-Partai  
Si stönd jetzt alli uf  
As kunnt miar vor a Virus isch do  
Im alta Bundeshuus  
Sisich nid a Grippe und au nid dr Mumpf  
Dia Krankheit heisst Widmer-Schlumpf

Z'Isfeld uf der Quaderwiesä  
Teg z'viel Energie verspiessa  
Doch glichzeitig uf der Obera Au  
Köschtä weiss au niemert gnau

Wega zwei Knöcha in da Badhosa  
Tüands a riesa Halla ufblosa

Eimol hin und eimol her  
Über d'Stross go isch nid schwer  
Bald kasch no uf em Kreisel Wohna  
In dera neua Begegningszona  
In de Retour muasch fascht schalta  
Sus kama nid dia 20 ihalta